**捣藻堂四庫全書** 

音薈

要

史部

欽定四庫全書管要卷五千三百七史部 白志貞者本名珍珪故太原史也事節度使李光弼 弼卒擢累司農卿在官十年德宗以為敏遂倚腹心進 「自力有智數光弼善之使與帳下議代宗素聞及光 唐書卷一百六十七 傳第九十二 宋 白装崔幸二李皇甫王 L. A.In ( 端 OF 殿 唐書 學 士 宋 祁 撰 硜

于官 授神策軍使賜今名有所建白善窺億帝指故言無不 裴廷齡河中河東人乾元末為汜水尉賊陪東都去客 江夏華州刺史董晋表署判官稍遷太常博士盧把東 果州刺史宰相李勉固諫不許明年拜浙西觀察使死 思州司馬贊播州司馬稍徙関州别駕貞元二年起為 乃與趙贊盧把等抑懷光不使朝懷光反論斥其姦貶 從将奉天以為行在都知兵馬使懼李懷光暴其惡

灾匹厚白量 1

卷一百六十七

支院召為祠部即中不待命輕還集賢院宰相張延賞 尉 計 以天下宿負八百萬緣析為負庫抽貫三百萬緣為賸 其易出為昭應今與尉交訴所財京北尹鄭叔則右 下歲入不貲耗登不可校請列別舎以檢盈虛於是 乃廣鉤距取宿姦老吏與謀以固帝幸因建言左截 延齡司農少卿會班宏卒假領度支延齡素不善財 御史中丞實祭善延齡卒逐尹德宗用參輔政即

引為膳部員外郎集賢院直學士崔造表知東都度

帝皆可之然天下看皆窮人價入無期抽貫與給皆盡 草干萬便民輸諸苑宰相陸贄等以為非是不從京右 庫樣物三十萬緡為李庫帛以素出以色入者為月庫 問宰相皆曰當無有帝遣使接覆果許延齡大慙帝不 項願以為內麼牧地水甘草薦與苑麼等帝信之以 故有崔章地數頃延齡妄言長安咸陽間得陂芳數 無所加也俄以戶部侍郎為真又請以京兆苗錢市 與帛固有籍延齡但多其簿最更員以說帝於財 THE AT THE 卷一百六十七

責也京兆積歲和市不得直尹李充請之官延齡誣其 浴堂殿一棟将壓念易之未能也延齡曰宗廟至重殿 妄及令還輸號曰底折錢當請飯財以實府帝曰安得 棟微矣且陛下本分錢用之亡窮何所難哉帝驚曰本 而實之延齡曰開元天寶問戶口繁息百司務殷官且 分錢奈何對曰此在經誼愚儒不能知臣能言之按禮 不即補权其稟以實帑簿它日帝謂延齡曰朕所居 **歌者比兵與戶不半在今一官治數司及矣請後官** 

就是日華 A MES |

天下賦三之一以充乾豆一以事實客一君之庖厨陛 今何地之近材之良邪延齡曰異材瑰產處處有之待 皆八十尺帝曰吾聞開元時近山無巨木求之嵐勝間 不乏況一棟哉帝領曰人未當為朕言之又造神龍佛 奉宗廟能竭天下賦三之一手鴻臚禮賔勞予四夷 發錢未盡也則所不盡者為本分錢以治殿數十尚 材五十尺者延齡妄奏同州得大谷木數十章度 一為有贏陛下所御饔餼簡儉以所餘為百官稟

卷一百六十七

廣宣索多矣延齡欲實其言乃大搜市塵奪所入獻 愈益厚延齡勢上疏列其状具言延齡常奏句獲乾隐 為宰相帝素所信重極論其論妄不可任帝以為排娼 聖主乃出今生近輔豈開元所當得也帝悦是時陸暬 二十萬緡請舍別庫為羨餘供天子私費故上之與作 之庸又度支出納與太府交相關制出物旬計見物月 符按覆點有御史以監董之則財用不得回隱延齡 匠徒迫脅就功號日較索弗讎其直名曰和雇弗

Li data I

临延齡言對等失惟怨望顯言歲機民流度支糧易乏 中横斂多精致播遷者其言甚深切帝得奏不悦會鹽 縱之不為治此乃侵削兆民為天子取怨于下又引建 羨餘也悉移舍以供别較太府卿章少華劾其妄陛下 以激怒衆士它日帝畋苑中而神策軍訴度支不賦廏 鐵使張滂京兆尹李充司農卿李銛皆指延齡專以檢 乃言培糞土得銀十三萬兩它貨且百萬已棄而獲皆 周上帝怒乃罷贄宰相左除滂等官時大旱人情愁

對好他人莫敢言而延齡言之不疑亦人之所未聞者 冤延齡資前刻又劫于利專刹下附上肆轉請怪其進 復奏充妄用京兆錢穀願下有司比句以比部即中崔 餌 又捕充所善吏張忠榜掠之誣充没官錢五十萬緣以 獨者天子惑延齡言乃下詔斥逐贄等朝廷震恐延齡 翰欲釋憾於贄也賴刑部侍郎奚陟辨治充等得不 結權幸令妻以犢車載金餉贄忠具獄其母投訴光 門壓有部御史審劾一夕得状乃釋忠延齡不得逞

· 足四華全書 一

華往死年六十九人語以相安唯帝悼不己冊贈太子 恃得君謂火輔政少所降下至嫚罵...<!
一臣時人側目屬 帝頗知其許但以其不隱欲聞外事故斷用不疑延齡 崔損字至無系本博陵大歷間中進士博學宏辭補 太傅上柱國永貞初度支建言延齡曩列别庫分藏正 諡曰繆 即第載度支官物輸之家無敢言帝念之使者日三 無實益而有更文之煩乃詔復以還左藏元和中有 卷一百六十七

将延英進見不敢出一言及天下事踰年進門下侍郎 時宰相趙憬卒盧邁屬疾裴延齡素善損薦之徳宗貞 書即咸陽尉避親改大理評事累勞至右諫議大夫于 者而歷二省華要至宰相母獨而不葵亦不展獨女兄 **曽以疾卧家久賜絹三百為醫藥費損無卓卓稱于人** 為尼沒不臨喪建中後宰相無久任者損以便柔遜息 日議者謂選有徳及用損中外悵失而損性齪齪能自 元十二年以本官同中書門下平章事始中書虚位十

草渠年京兆萬年人工部侍即述從子也少警悟工為 ·禁年有口辯雖於三家未完解然答問鋒生帝聽之意 中許孟容與渠年及佛老二師並對麟德殿質問大趣 詩李白異之授以古樂府去為道士不終更為浮屠已 卒贈太子太傅諡曰靖 中帝意乃留八年帝亦知公議病其持禄然憐遇彌渥 二年德宗誕日詔給事中係岱兵部即中趙需禮部即 而復冠浙西韓滉表試校書郎進至四門博士貞元十

飲定四庫全書 人

卷一百六十七

|浮淺不根於道徳仁義特用儉巧中帝意非有嘉謨正 每奏事輛五六刻乃罷天子歡甚渠年為人佻躁志向 宰相取充位行文書而已至守宰御史皆自推簡然處 辭感悟得君也自陸勢免帝躬攬底政不復委權于下 諫議大夫大抵延英對雖大臣率漏下二三刻止渠年 深宫所倚而信者表此齡李齊運王紹李實章執誼與 列易之後數遣中人專召渠年繇是皆屬目歲中至

唐書

動遷秘書即進詩七百言未次旬擢右補闕內供奉始

·渠年等其權作人主延齡實皆姦虐紹無所建明渠年 偏于任聽士之浮競甘進者爭出其門赫然勢焰可炙 後出望最輕張恩勢以動天下召崔平于茅山起鄭隨 御史復辟江淮都統李峘府由工部即中為長安令政 李齊運者将王惲孫始補寧王府東閣祭酒擢累監察 甚多傳于時 權太常卿卒年五十三贈刑部尚書益曰忠所論著 衣至補關引體泉令馬佐為給事中太子侍讀帝既

定四庫全書 |

卷一百

六十七

築城保督為栗以的晟賊平頗有助萬年丞源邃不事 李懷光還兵奔難晝夜馳及河中士罷困乃休三日齊 運悉所賦勞軍牛酒豐甘人人喜悦及懷先及還守河 揮京北少尹出為河中尹晉絳慈隰觀察使徳宗出行 頗修辨宗正少卿李瀚從子有所訟齊運於翰為早行 齊運棄城走詔拜京兆尹時李晟壁渭橋齊運發民 不禮訟者瀚怒辱諸朝齊運以聞代宗貶翰由是稍

齊運怒掉辱之死於廷遼家告冤御史大夫崔縱請窮

rat de della [

常次進帝與參決大事既無學暗于大體第以甘言 除吏往往遣使即家咨逮晚以妾為妻具冕服行禮士 直邃冤久之大蝗旱齊運不能政乃以韓回代之改宗 治帝不許御史縣章深劾齊運訴于帝言為朋黨所擠 昼而已常薦李鏑為浙西受路數十萬又薦李詞為 天子使宰相諭諫官御史後母得奉署章以刻然卒不 刺史人告其贓帝置不問齊運即疾満歲不能調每 大田屋白丁 閉處官苑使進至禮部尚書宰相內殿對已齊運 卷一百六十七 问

農卵糧拜京兆尹封嗣道王怙龍而愎不循法度貞元 後務刻薄軍費士怨怒欲殺之夜絕亡歸京師累進司 李實道王元慶四世孫以陰仕嗣曹王皐辟署江西府 問德宗訪外疾苦實說曰歲雖早不害有秋乃峻責租 二十年旱圍輔機實方務聚斂以結恩民前府上一 判官選斬州刺史具節度山南東道復從之鼻卒實知 人量之卒年七十二贈尚書左僕射 人窮無告至撤各鬻苗輸于官優人成輔端為 俳語

· 剪害與御史王播遇而賜唱爭道播動責從者實怒奏 實私薦士二十人迫語曰應用此第不爾君且外遷德 · 競短還斥者甚衆專情養色見顏間權德與為禮部而 祖帝 質怒奏賤工誇國帝為殺之或言古者聲誦箴諫 與雖拒之然常憚其誣吏部每奏科目頗嚴塞以杜請 善虞部員外即房陪代之其怙權作威若此公卿為 為三原令廷辱之惡萬年令李衆証逐度州司馬以 定匹庫全書 | 訳指託諭何誅馬帝悔然不罪實故事京兆避臺官 孝一百六十七

貸毫 種頭死按之無罪者猥曰死亦非枉復殺之專以 詔固斂畿民大困官吏皆被榜罰拾取二十萬緣吏乞 託實公指曹切請趙宗儒無所畏詔書蠲人通祖實格 皇甫轉涇州臨涇人貞元初第進士又擢制科為監察 賀以赦令內移死號州 長史市人爭懷瓦石邀却之實懼夜通去長安中相 忍為政順宗在訪闇不踰月實殺數十人于府贬通 史居喪游處不度下除詹事府司直久之選吏部員

由書

度支改戸部侍郎憲宗方代蔡急於用度轉裒會嚴亟 宰相至雖市道皆唯之崔羣裴度以聞帝怒不聽度乃 表罷政事極論轉姦那肯刻天下怨之将食其內且言 天下安否繫朝廷朝廷輕重在輔相今承宗削地程 門下平章事猶領度支轉以吏道進既由聚斂句剝為 辦濟師帝悦進兼御史大夫蔡平之明年遂同中書 即典南曹鈴制吏姦稍知名進即中選累司農卿 關韓公與疾討賊非力能制之顧朝廷處置能服其 定四庫全書 卷一百六十七

邊兵故網陳綠觸手輕壞士怨怒聚焚之裴度以其事 故帝排衆論決任之反以度為朋黨不內其言轉乃益 知帝意故數貢羨財陰佐所欲又貼吐突承难為與接 至帝以天下略平亦欲崇臺沼官觀自娛樂轉與程异 詔書乃止帝斥內帑所餘詔度支評直轉貴售之以給 心也若相轉則四方解矣請授以浙西觀察便其辭切 以巧媚自固建損内外官稟佐國用給事中崔植上還

聞轉指所著難曰此內庫所出牢韌可服彼言不可用

|華臣於月華門貶轉崖州司戸參軍死其所沙者本楊 許也帝信之轉街度乃與李逢吉令狐楚合擠之出度 平章事當與金吾将軍李道古共薦方士柳以浮屠大 譖羣抑損藏稱帝怒逐羣湖南轉罷度支進門下侍郎 通為長年樂帝感之穆宗在東宫聞其姦妄始聽政集 太原又以崔羣有天下重望勁正敢言後議帝號轉乃 不死者因言天台山靈仙所各多異草願官天台求来 仁晝也習方伎道古薦于鎛召入禁中自云能致藥為 灾匹庫全書 | 卷一百六十七

妄答曰皆道古教我解衣即刑卒無它異轉之貶前坊 古營解乃復待韶翰林帝餌沙樂寝躁怒不常官侍懼 餘無所獲懼詐窮舉族通去浙東觀察使捕得鎮與道 之起徒步拜天台刺史賜金紫諫臣固爭以為列聖亦 州刺史班肅以皆像獨錢於野朝廷義之擢為司封員 以我崩大通自言百五十歲轉敗與沙皆誅初吏責沙 何爱哉後不敢言泌驅吏民采樂山谷間鞭笞苛急歳 有罪方士未嘗便牧民帝曰煩一州而致長年于君父

名士著書數十篇 鎮弟鏞字蘇卿第進士轉為相時任河南少尹見權罪 文工詩為人寡言正色衣冠甚偉不屑世務所交皆知 朝廷賢之授國子祭酒開成初以太子少保卒鏞能屬 太盛每極言之轉不悦乃求分司為太子右庶子轉敗 王播字明歇其先太原人父恕為揚州倉曹參軍遂家

**灾匹**庫

全種

卷一百六十七

馬播貞元中與弟炎起皆有名並擢進士而播起舉賢

南避道揖實不肯播移文武之實大怒表播為三原令 監察御史雲陽丞源咸李坐財免貼有司復得調播劾 良方正異等補蓋屋尉以善治獄御史中丞李汶薦為 歲終課最實重其才更薦之德宗将擢以要近會母喪 将折之播受命超府謝如禮邑中豪强犯法未當輕貸 飲定四車全書 民而縱奴播捕取均其罰遷工部即中知御史雜事刺 解還除駕部員外郎長安令于順奴客與民盜馬吏擊 解其官歷侍御史李實為京兆尹與播遇諸衢故事尹 唐書

之歷號州刺史李異領鹽鐵奏以副已推御史中丞歲 能隱好走出境憲宗以為能進刑部侍即領諸道鹽 也切於饋的播引程异自副异尤通萬質盈屋使馳傳 改京兆尹時禁屯列畿內者出入屬難佩劒姦人冒 以剽劫又動戚家馳獵近郊播請一切呵止盜賊不 不阿有能稱關中機諸鎮或閉雜播以為言三輔不 坐隅商處重輕剖決如流吏不能魔其私帝討准 運使是時天下多故大理議藏科條叢繁播悉置格 鐵

尚書為劒南西川節度使穆宗立逐轉播求還長慶初 章事時權幸競進播賴其力至宰相專務将迎居位無 為淮南節度使仍領使職不肯易印詔聽自隨是時南 召為刑部尚書復領鹽鐵進中書侍郎同中書門下平 尚書稍以貲賄結官要中外以為言播薦皇甫轉及轉 用事更忌播而以异代使播罷守本官久之檢校戸部 淮泉財用以給軍興兵得無之帝嘉其功超拜禮部 E 9 **神益復失河北衆望不厭乃以檢校尚書右僕射出** / I ome ry hom 唐書 十四

李景讓薛廷老等見延英言播傾邪關通帝左右状帝 方旱歉人相食播拾斂不少衰民皆怨之然後七里 天子有意復用播於是讓議大夫獨孤朗張仲方起 便漕引後賴其利敬宗即位即拜檢校司空以王涯 使播失職見王守澄方得君厚以金謝守澄乗問必 檢校司徒太和元年入朝拜左僕射復輔政累封士 孔敏行柳公權宋申錫補關章仁實劉敦儒拾 不內其言遂復領使天下公議益不與文宗立就 卷一百六十七

敬播少孤貧自刻苦至成立居官以殭濟稱天性勤吏 職每視簿領紛積於前人所不堪者播反用為樂所署 吏尚無大罪以歲勞增秩而已卒不易所職雅善占奏 十有三銀盌數千綾四十萬遂再得相云 數十事未當書于笏再領鹽鐵當權利不復初操重 穀進不甚與事居位四年卒年七十二贈太尉諡曰 郡公時章處厚當國以獻替自任天子鄉之播專以 取以正額月進為羨餘歲百萬給自淮南還獻玉帶

de data |

唐書

十五

起字舉之釋褐校書郎補藍田尉李吉甫辟為淮南掌 為集賢殿學士拜陝號觀察使時亳州刺史李繁以擅 貢舉失實敗詔起覆核起建言以所武送宰相閱可否 中書舎人數上疏諫穆宗畋游事歲中考第一錢微坐 書記以殿中侍御史入兼集賢殿直學士元和末累遷 後付有司詔可議者謂起為失職拜禮部侍郎李齐 南尹進吏部侍郎方播以僕射居相避選曹改兵部 播俱上疏請詔王智與討之卒定其亂賜金紫拜 卷一百六十七

聫 勢不從寡于法繇是曆積成出民賴以生召授兵部尚 奏為營田以省鳃輓歷河中節度使方蝗旱栗價騰 屬吏弗完治起至部先修復與民約為水令遂無 拜尚書左丞以戸部尚書判度支靈武が寧多曠土 李訓為宰相起門生也欲引與共政即加銀青光禄 賊抵罪起言繁父有功而二千石不宜償賊死不報 以檢校尚書右僕射為山南東道節度使演漢塘 下令家得儲三十斛斤其餘以市否者死神策士 唐書 十六

人意俄兼太常卿禮儀使帝題詩太子笏以賜詔畫求 夫復以兵部尚書召判戸部訓敗起素長厚人不以 起治生無檢所得禄賜為僮婢盜有貧不能自存帝 古今治亂開成三年入翰林為侍講學士改太子少 時鄭軍以經術進起以敦博顯帝數訪遠時政因積 該之止罷其判俄加皇太子侍讀文宗上文好古學 願寬逐臣過惡又短絕叔終身不忘人過以解帝銅 號當世仲尼其寵遇如此又使廣五位圖俾太子 卷一百六十七

定匹庫全書 |

守召為吏部尚書判太常卿帝思選士不得才特命起 典貢舉進尚書左僕射封魏郡公凡四舉士皆知名 耻 知之詔月益仙韶院錢三十萬議者謂與玩臣分給 國者老朕有闕當以聞宴賜備厚宣宗初檢校司空以 願代不許卒年ハ十八贈太尉諡曰文懿喪還命 儒兼宰相秩前世所罕入辭帝勞曰宰相無內外 伏其鑒雅山南西道節度使同中書門下平章事以 也起賴其入不克讓武宗立為章陵鹵簿便東都留

?

客多更住永達里林本窮僻構半隱亭以自適侍父至 嘴學非粮食不轉廢天下之書無不讀一經目弗忘也 者界其家葵及祥亦如之起性友悌播喪哀戚加於人 · 追字大年性高簡博知書傳無貴問氣常以光福第賓 宣它撰集亦多炎終太常博士子鐸錄自有傳起子龜 事令使者口質起具膀子附使者上凡成十篇號口寫 在恪太子薨詔為哀冊詞情悽惋當世稱之帝當以疑 5四月全書 卷一百六十七

政人聞其至歡迎之卒贈工部尚書子荛力學有文辭 龜 觀察宣歌表為副龜樂宛陵山水故從之入為祠部 許終父喪召為右補闕再擢屯田員外即稱疾去崔 自嬰武宗雅知之以左拾遺召入謝自陳病不任職 中廬中條山朔望一歸省州人號郎君谷未始以 刺史牙将白約素暴橫當詳言月稟薄以動士心為 中史館修撰咸通中知制語鐸為相改太常少卿 捕殺之人皆震慄徙浙東觀察使初式臨州有恵 į きまる

少節儉巧于官因鄭注以交王守澄中丞歸融劾之出 鐸當國不貢進士終右司員外郎 以廢為太子正字擢賢良方正科界遷殿中侍御史

쉾

定匹庫

全書 /

卷一百六十七

為江陵少尹大中中為晉州刺史飾郵傳器用畢給會 曲大軟民流徒他州不納獨式勞邱之活數千人時

城胡亦幾将入寇汾會聞式嚴備不敢道境報其種 日晉州刺史當避之以善最稱從安南都護故都

田早作木柵歲率緡錢既不時完而所責益急式取

者 年賦市芍木豎周十二里罷歲賦外率以紓齊人浚壕 相率夜圍城合課請都護北歸我當抗黃頭軍式徐被 服 容管災飲不歲貢式始上輸大搞宴軍中歸質外養 引家僮無城青讓失僧交發叛者走翌日盡捕斬之 數有變懼式威不自安謹曰黃頭軍将度海襲我矣 短後褐以黃目首南方號黃頭軍天下鋭卒也初交 開諭一肯去謝曰我自縛叛僚非為寇也忠武戍卒 柵外植刺竹寇不可冒後蠻兵入掠錦田步式使譯


יישר לו אוח י


唐書


善日是謂得天時矣聞賊用騎兵乃閱所部得吐蕃回 因至京師懿宗問方略對日第假臣兵寇不足平也左 而占城真臘慕義悉入獻亦還所掠王民寧國劇賊仇 右官要皆曰兵衆則鳃多當惜天下費式奏盜若猖狂 滑淮南兵式發自光福里第塵電皆東靡獵獵有聲 誅不<u>虽決東南征賦關矣寧得以億萬計之子兵多</u> 功速費寡二者熟利帝顧左右日宜與兵於是韶益 明越觀察使鄭祇徳不能討宰相選式往代詔可 卷一百六十七

道子擒甫斬之加檢校右散騎常侍餘姚民徐澤專魚鹽 賛曰裴延齡引經誼惠其主以不忠為忠德宗倚延齡 節度便認許滑兵自隨視事三日悉以計誅亂兵會認 咸通三年徐州銀刀軍亂以式檢校工部尚書徒武寧 降武寧為團練罷歸終左金吾大将軍 鵬遷隸數百發龍陂監牧馬起用之集土團諸兒為向 曰甫竊發不足畏若澤城乃巨猾也窮治其姦皆榜死 利慈溪民陳瑪冒名仕至縣令旨豪縱州不能制式

Ē







欽定四庫全書養要卷五千三百八史部 豫詩歌屬和被韶稱旨與裴延齡章渠年等龍任相将 拾遺年踰冠入翰林為學士便敏側媚得幸於德宗使 章執誼京兆倩族也幼有才及進士第對策異等授右 唐書卷一百六十 列傳第九十三 韋王陸劉柳程 端 明 殿 ロコチラ 學士 宋 祁 撰

状悉逐出之順宗立以疾不親政叔文用事乃擢執 即白成李等朋比有所窺望帝詔金吾何得相過食飲 者乃曰君知王叔文乎美才也執誼繇是與叔文善以 母喪解終喪為吏部即中數召至禁中補闕張正一 之太子賜以帛詔執誼到東宫謝太子卒見無所籍言 洞往賀之或謂執誼曰彼將論君與叔文鉤黨事執誼 上書召見所善王仲舒韋成季劉伯芻裴惟常仲孺呂 入備顧問帝誕日皇太子獻畫浮屠象帝使執誼赞 卷一百六十八

**欽定四庫全書** 

黨敗就該為崖州司戶參軍帝以宰相杜黃裳之壻故 密謝叔文曰不敢員約欲共濟國家事爾叔文數為所 最後段執誼已失形勢知禍且及雖尚在位而臨事在 命欲執誼据以奉行因用迷奪朝權執誼既為所引然 為尚書左丞同中書門下平章事叔文與王任居中籍 **奄無氣聞人足聲朝悸動至于敗始未顯時不喜人言** 梗遂詬怒反成仇怨及憲宗受內禪流叔文任分北支 外迫公議欲示天下非黨與者乃時時異論相可否而 唐書

· 領南州縣既為郎當詣職方觀圖至領南東與目命· 宗韶直東宫太子引以侍讀因論政及宫市之弊太子 右徹去及為相所坐堂有圖不就省旣易句試觀之崖 無與也且陛下在位久有如小人間之謂殿下收厭產 子曰向君無言何哉叔文曰太子之事上非視膳問安 日寡人見上将極言之坐皆趣質叔文獨嘿然既罷太 王叔文越州山陰人以棋待詔頗讀書班班言治道德 州圖也以為不祥惡之果貶死

定匹库全書 |

卷一百六十八

結順宗立不能聽政深居施幄坐以牛昭容官人李忠 情則安解于太子謝曰非先生不聞此言繇是重之宮 速進者率鹊附之若章執誼陸質呂温李景儉韓華 進出入詭秘外莫得其端殭藩劇帥或陰相賂遺以自 泰陳諫柳宗元劉禹錫為死友而凌準程异又因其黨 中事咸與參訂叔文淺中浮表遂肆言不疑曰某可為 相某可為将它日幸用之陰結天下有名士而士之欲

言侍側群臣奏事從惟中可其奏王伾密語諸黄門陛

錢穀者國大本操其柄可因以市士乃白用杜佑領度 譽之以為伊周管葛復出間然謂天下無人叔文每言 傳受叔文主裁可乃授之中書執誼作詔文施行焉時 支鹽鐵使已副之實專其政不淹時遷戶部侍郎宦人 景儉居親喪温使吐蕃惟質泰諫準華宗元禹錫等倡 大抵叔文因任任因忠言忠言因昭容更相依仗任主 俱文珍忌其權罷权文學士詔出駭恨曰吾當數至此 下素厚叔文即蘇蘇州司功參軍拜起居郎翰林學士 **飲定四庫全書** 卷一百六十八

議事不然無緣入禁中任復力請乃聽三五日一至翰 馬使奉為司馬副之於是諸将移書中尉告且去宦人 兵屬人希朝泰到奉天諸将不至乃還叔文母死匿一不 兵制天下之命乃以宿将范希朝為西北諸鎮行管兵 林然不得舊職矣在省不事所職日引其黨謀取神策 發置酒翰林忠言文珍等皆在良金以詢因揚言曰天! 始悟奪其權大怒曰吾屬必死其手乃論諸鎮慎毋以 適射免苑中跨鞍若飛敢異議者斬又自陳親疾病

喜書

念失此二賊令人恨恨又陳領度支所以與利去害者 前執吾手非凶人那掃木場将斬之而執誼持不可每 誼懦不果劉闢來為韋皇求三川吾生平不識關便欲 至熟為吾助者又言羊士諤毀短我我将杖殺之而執 心戮力難易亡所避報天子異知爾个一去此則百誇 為已勞文珍隨語話折叔文不得對左右竊語日母死 以身任國大事朝夕不得侍令當請急宜聽然向之悉 已腐方留此将何為邪明日乃發喪執誼益不用其語

定匹庫全書

卷一百六十八

飲飲泣下太子已監國段渝州司戶參軍明年誅死 子群臣皆喜獨叔文有憂色誦杜甫諸葛祠詩以自況 乃謀起復斬執誼與不附已者聞者恟懼廣陵王為太

立遷左散騎常侍待詔任本關者親遳陋楚語無它大 王伾者杭州人始以書待詔翰林入太子宫侍書順宗 志帝褻寵之不如叔文任氣好言事為帝所禮至出處

又不及伾之無間也叔文入止翰林而伾至柿林院見

唐書

籍終身不忘自河中少尹貶台州司馬終循州刺史準 刺史諫警鼓當覧添署歲簿悉能言其尺寸所治一 華者混族子有俊才以司封即中貶饒州司馬終永州 與歸第段開州司馬死其所支黨皆逐惟質以前死免 軍不許又請以威逐軍使同中書門下平章事復不可 文既居喪任日請中人及杜佑起叔文為宰相且總北 乃一日三表皆不報憂悸行且卧至夕大呼曰吾疾作 日月不関為巨匱裁竅以受珍使不可出則寝其上叔

幕府薦之朝授左拾遺累遷左司即中歷信台二州刺 事趙匡匡師啖助質盡傳二家學陳少游鎮淮南表在 陸質字伯沖七代祖澄仕梁為名儒世居吳明春秋師 策行營節度司馬貶度州司馬終湖州刺史 字宗一有史學自翰林學士貶連州司馬死于貶泰字 史質素善章執誼方執誼附叔文竊威柄用其力召為 安平有籌畫任叔文所倚重能決大事以戶部郎中神

給事中憲宗為太子詔侍讀質本名淳避太子名故改

Zi dulo I

唐書

時執誼懼太子怒已事故以質侍東宮陰何意解釋左 右之質同間有所言太子輒怒曰陛下命先生為寡人 卷一百六十八

講學何可及它質惶懼出執誼未敗時質病甚太子已] 即位為臨問加禮卒門人以質能文聖人書通于後世 劉禹錫字夢得自言系出中山世為儒權進士第登博 私共諡曰文通先生所著書甚多行于世

學宏解科工文章淮南杜佑表管書記入為監察御史

素善章執誼時王叔文得幸太子禹錫以名重一時與

史未至斥朗州司馬州接夜郎諸夷風俗陋甚家喜巫 賣拿劾禹錫挾形亂政草即日罷韓學素貴不肯親叔 文等斥為湖南觀察使凡所進退視爱怒重輕人不敢 指其名號二王劉柳憲宗立叔文等敗禹錫貶連州刺 衡不為宗元所喜自御史中丞下除太子右庶子御史 員外即判度支鹽鐵案頗馬籍其勢多中傷士若武元 出权文引禹錫及柳宗元與議禁中所言必從擢屯田

災足日華 At Alla 191/

喜雪

之交权文每稱有宰相器太子即位朝廷大議秘策多

一動久落眼鬱鬱不自聊其吐辭多諷託幽遠作問大釣 欲終斥不復乃詔雖後更赦命不得原然宰相哀其才 餘篇於是武陵夷俚悉歌之始坐叔文貶者八人憲宗 謫九年等賦數篇又叙張九齡為宰相建言放臣不宜 補遠州刺史而元衡方執政諫官頗言不可用遂罷禹 且 思每祠歌竹枝鼓吹裴回其聲倉辱禹錫謂屈原居沅 困将漂濯用之會程异復起領運務乃詔禹錫等悉 間作九歌使楚人以迎送神乃倚其聲作竹枝解十

卷一百六十八

贖邪欲感諷權近而憾不釋久之召還宰相欲任南省 萬之 歎罷政事守荆州有拘囚之思身出題 剛一失意 所宅禹錫母八十餘不能往當與其子死訣恐傷陛下 出為播州刺史詔下御史中丞裴度為言播極遠猿於 郎而禹錫作玄都觀看花君子詩語識忿當路者不喜 開元良臣而卒無嗣豈枝心失恕陰責最大雖它美莫 與善地悉徒五谿不毛處然九齡自內職出始安有瘴 不能堪別華人士族必致醜地然後快意哉議者以為

飲定四庫全書 一

錫望它人尤不可赦度不敢對帝改容曰朕所言責人 子事終不欲傷其親乃易連州又徙夔州刺史禹錫當 孝治請稍內遷帝曰為人子者宜慎事不貽親爱若禹

欺天下學校廢乃奏記宰相曰言者謂天下少士而 不

知養材之道鬱堙不揚非天不生材也是不耕而歎廪

夷遣子弟入附者五國今室廬地廢生徒衰少非學官

不振病無貨以給也凡學官春秋釋莫于先師斯止辟

庾之無餘可乎貞觀時學舎千二百區生徒三千餘外

雍類宮非及天下今州縣咸以春秋上丁有事孔子廟 孫尚不敢達禮饗其祖況後學師先聖道而欲違之傳 貞觀中詔修孔子廟兖州後許敬宗等奏天下州縣置 启 其禮不應古甚非孔子意漢初群臣起屠販故孝惠高 歷代無有是事武德初認國學立周公孔子廟四時祭 其教令教顏靡而以非禮之祀媚之儒者所宜疾竊觀 日祭不欲數又日祭神如神在與其煩於薦饗孰若行 間置原廟於郡國逮元帝時章玄成遂議罷之夫子 吾書

養食增掌故以備使令儒官各加稍食州縣進士皆立一 學校舉半歸太學猶不下萬計可以營學室具器用豐 裳的妻子於學無補也請下禮官博士議罷天下州縣 脯時王孫林甫為宰相不涉學使御史中丞王敬從以 推牢衣幣春秋祭如開元時籍其資半界所隸州使增 十六萬舉天下州縣歲凡費四千萬適資三獻官師衣 明衣牲牢著為令遂無有非之者今夔四縣歲釋真費 三獻官其伦如立社玄宗與儒臣議罷釋真姓年薦酒

쉷

定匹庫全書

卷一百六十八

史入為主客即中復作游玄都詩且言始誦十年還京 葵燕麥動搖春風耳以該權近聞者益薄其行俄分司 東都宰相裴度兼集賢殿大學士雅知禹錫薦為禮部 程督則貞觀之風粲然可復當時不用其言由和州刺 服從汝同二州遷太子實客復分司禹錫情才而廢福 即中集賢直學士度罷出為蘇州刺史以政最賜金紫 師道士植桃其盛若霞又十四年過之無後一存唯更 心不能無怨望年益晏偃蹇寡所合乃以文章自適素

声書

當推為詩豪又言其詩在處應有神物護持會昌時加 善詩晚節尤精與白居易酬後頗多居易以詩自名者 檢校禮部尚書卒年七十二贈戶部尚書始疾病自為 子劉子傳稱漢景帝子勝封中山子孫為中山人七代 太子立時王叔文以善实得通籍因間言事積久衆未 北山後其地極不可依乃葬祭陽檀山原德宗棄天下 知至起蘇州孫超拜起居舍人翰林學士陰薦丞相杜 祖亮元魏冀州刺史遷洛陽為北部都昌人墳墓在洛

實工言治道能以口辯移人既得用所施為人不以為 當太上久疾宰臣及用事者不得對宮掖事秘建桓立 宗元以為信然三子者皆與厚善日夕過言其能叔文 自言猛之後有遠祖風東平呂温隴西李景儉河東柳 柳宗元字子厚其先盖河東人從自祖奭為中書令得 順功歸貴臣由是及貶其自辨解大略如此

罪武后死高宗時父鎮天暫末遇亂奉母隱王屋山常

佑為度支鹽鐵使翊日自為副貴震一時叔文北海人

觸實於段變州司馬還終侍御史宗元少精敏絕倫為 半道貶永州司馬既鼠斥地又荒寫因自放山澤間其 推禮部員外郎欲大進用俄而叔文敗貶邵州刺史不 校書郎調藍田尉貞元十九年為監察御史裏行善王 文章卓偉精緻一時輩行推仰第進士博學宏解科授 府兵曹参軍佐郭子儀朔方府三遷殿中侍御史以事 間行求養後從於吳肅宗平賊鎮上書言事推左衛率 叔文章執道二人者奇其才及得政引内禁近與計事 欽定四庫全書 / 卷一百六十八

寬大貶點甚薄不塞衆人之怒語語轉移置嚣嗷嗷漸 者皆聚為仇怨造作粉節蔓延益肆非的然昭晰自斷 門口舌無數又久與游者岌岌而操其間其求進而退 蕭免治書言情日僕總者進當縣飘不安之勢平居閉 裏行得禮部員外郎超取顯美欲免世之求進者怪怒 媢疾可得乎與罪人交十年官以是進辱在附會聖朝| 堙厄感鬱一寓諸文做離騷數十篇讀者咸悲惻雅善 于内孰能了僕於冥冥問哉僕當時年三十三自御史

to date |

唐書

土

成怪人飾智求仕者更詈僕以悦仇人之心日為新奇 務相悦可自以速援引之路僕輩坐益困辱萬罪横生 習炎毒昏旺重脆意以為常忽遇北風晨起薄寒中體 非禁辱又何足道云云不已私益為罪居蠻夷中久慣 日月益促歲歲更甚大都不過數十寒暑無此身矣是 始非中國人也楚越間聲音特異鳩舌嗅課今聽之恬 則肌革慘懷毛髮蕭係瞿然注視怵惕以為異候意緒 不知其端悲夫人生少六七十者今三十七矣長來覺 大田屋 日明

卷一百六十八

一碳以自稱道話益甚耳用是更樂 馬與木石為徒不 豈可更不知止言說長短重為一世非笑哉讀易困卦 復致意今天子與教化定那正海內皆欣於恰偷而僕 聞北人言則啼呼走匿雖病夫亦怛然駭之出門見適 至有言不信尚口乃窮往復益喜曰嗟乎余雖家置一 與四五子者淪陷如此豈非命欺命乃天也非云云者 間市井者其十八九杖而後興自料居此尚復幾何

然不怪已與為類矣家生小童皆自然晓晓書夜滿日

太平人矣又治京北尹許孟容曰宗元早歲與貧罪者 采取獻之法官增聖唐大雅之什雖不得位亦不虚為 餘潤雖朽桥敗屬不能生植猶足蒸出之萬以為瑞物 親善始奇其能謂可以共立仁義禪教化過不自料動 **魂魄買土一廛為耕町朝夕謌謠使成文章庶木鐸者** 所制又何恨然居治平之世終身為頑人之類猶有少 釋廢銅移數縣之地則世必曰罪稍解矣然後收召

定四庫全書

卷一百六十八

幸獲寬官各得善地無公事坐食奉禄德至渥也尚何 勤勉勵唯以忠正信義為志與克舜孔子道利安元元 怪也宗元於衆黨人中罪状最甚神理降罰又不能即 敢更俟除棄廢痼布望外之澤哉年少氣鋭不識幾微 為務不知愚陋不可以强其素意如此也未路厄塞貌 **凯事既壅隔很忤貴近狂踈繆戾蹈不測之辜今黨題** 不知當否但欲一心直遂果陷刑法皆自所求取又何

死猶對人語言飲食自活迷不知耻日復一日然亦有

吾生

續之重不絕如縷每春秋時饗子立捧真顧眄無後繼 大故自以得姓來二千五百年代為家嗣令抱非常之 者懷懷然欲歐惴惕恐此事便已推心傷骨若受鋒刃 罪居夷僚之鄉果濕昏霧恐一日填委溝壑曠墜先緒 少士人女子無與為婚世亦不肯與罪人親昵以是嗣 以是怛然痛恨心骨沸熱笑致孤立未有子息荒陬中 己誠丈人所共問惜也先墓在城南無異子弟為主獨

卷一百六十八

託村隣自譴逐來消息存亡不一至鄉間主守固以益

重常繁心腑然無可為者立身一敗萬事及裂身殘家 墓馬醫夏睡之鬼無不受子孫追養者然此已息望又 在善和里信宅宅今三易主書存亡不可知皆付受所 植今已荒穢恐便斬伐無復愛惜家有賜書三千卷尚 禮重拜掃今闕者四年矣每遇寒食則北向長號以首 頓地想田野道路士女徧滿皂隸庸可皆得上父母丘 何以云哉城西有數項田樹果數百株多先人手自封

色晝夜哀情懼便毁傷松相芻牧不禁以成大戾近世

一金定四庫全書 / 歲時一掻皮膚塵垢滿爪誠憂恐悲傷無所告愬以至 破為世大像是以當食不知辛鹹節適洗沐盥漱動愈 此也自古賢人才士東志遵分被謗議不能自明者以

分明辨列卒光史冊管仲遇盗升為功臣匡章被不孝 百數故有無兄盜嫂娶孤女揭婦翁者然賴當世豪傑

鄉人此誠知疑似之不可辯非口舌所能勝也鄭詹束

名孟子禮之今已無古人之實為而有話欲望世人之

昔人愈疏闊矣賢者不得志於令必取貴於後古之者 當誅為漢儒宗此皆環偉博辯奇壯之士能自解脱令 韓信伏斧鎖終取将相鄒陽獄中以書自治賈生斥逐 縛於晉終以無死鐘儀南音卒獲返國叔向囚房自期 書者皆是也宗元近欲務此然力薄志必無異能解欲 復召宣室兒寬嬪厄後至御史大夫董仲舒劉向下獄 必免治經騎危以生易死削通據鼎耳為齊上客張為 以惟怯淟恐下才未伎又嬰痼病雖欲慷慨攘臂自同

東筆覼縷神志荒耗前後遺忘終不能成章往時讀書 之勿失雖不敢望歸掃些域退託先人之廬以盡餘齒 後則再三伸卷復觀姓氏旋又廢失假令萬一除刑部 自以不至紙帶今皆頑然無復省録讀古人一傳數紙 姑遂少北益輕瘴寫就婚娶求胃嗣有可付託即冥然 長鮮如得甘寝無後恨矣然衆畏其才高懲刈後進故 地垂德於不報之所以通家宗祀為念有可動心者操 囚籍復為士列亦不堪當世用矣伏惟與哀於無用之

言唐家正德受命於生人之意累積厚久宜享無極之 受命之符誠然非邪臣曰非也何獨仲舒爾司馬相如 義本末問間會贬逐中輟不克備究武陵即叩頭邀臣 本顯至德揚大功甚失厥趣臣為尚書即時當者貞符 劉向楊雄班彪彪子固皆公襲咄唯推古瑞物以配受 貞符曰臣所貶州流人吳武陵為臣言董仲舒對三代 命其言類淫巫瞽史訴亂後代不足以知聖人立極之

無用力者宗元久汨振其為文思益深當著書一篇號

家空何而無爭厥流以訛越乃奮沒鬬怒振動專肆為 淫威曰是不知道惟人之初抱怨而生林林而羣雪霜 蠻夷不聞于時獨不為也茍一明大道施于人世死無 饑渴牝壮之欲歐其內於是乃噬禽獸咀果穀合偶而 風雨雷電暴其外於是乃知架巢空穴挽草木取皮革 類拔正道表靈萬代臣不勝奮激即具為書念終泯没 所憾用是自決臣宗元稽首拜手以聞曰孰稱古初朴 此大事不宜以辱故休敏使聖王之典不立無以抑詭 定四庫全書

德有功有能者參而維之運臂率指屈伸把握其不統 者出而治之往往為曹於險阻用號令起而君臣什伍 厚聚者軋兵良者殺披披藉藉草野塗血然後 遇有力 克建於是有聖人馬曰克置州牧四岳持而綱之立有 其兵車交貫子其內一統類齊制量然猶大公之道不 率年老舉聖人而禪焉大公乃克建由是觀之厥初图 之法立德紹者嗣道怠者奪於是有聖人焉曰黃帝游 居交馬而爭联馬而關力大者搏齒利者齧爪剛者決

唐書

於湯田克寬克仁章信兆民於武王日有道曾孫稽揆 典誓貞哉惟茲德實受命之符以真水祀後之祇淫罰 日克明俊德於舜曰濬哲文明於禹曰文命祗承於帝 匪極亂而後稍可為也而非德不樹故仲尼叙書於弄 定四庫全書 卷一百六十八

唇好怪之徒乃始陳大電大虹玄鳥巨跡白狼白魚流

貞漢用大度克懷于有氓登能庸賢濯痍照寒以瘳以

熙兹其為符也而其妄臣乃下取虺蛇上引天光推類

火之鳥以為符斯皆詭譎問誕其可羞也莫知本於厥

效卒奮為逆其後有賢帝曰光武克綏天下復承舊物 之泰山石間作大號謂之封禪皆尚書所無有恭述承 號休用夸誣于無知氓增以關虞神鼎齊歐縱頭仰東

環四海以為鼎跨九垠以為鑪變以毒燎煽以虐焰其

不靖亦罔克久駁乎無以議為也積大亂至于隋氏

人沸湧灼爛號呼騰蹈莫有救止於是大聖乃起丕降

猶崇赤伏以玷厥德魏晉而下尨亂鉤裂厥符不貞邦

霖雨濟滌盪沃蒸為清氣疏為冷風人乃漻然休然相

澤用抵于元德徒奮袒呼搞迎義旅謹動六合至于摩 帝庸威栗惟人之為敬莫厥賦積減于下是謂豐國鄉 抵持奔走轉死之害不起而人乃克傷類集族歌舞悦 聯以生相持以成相彌以寧琢斮屠剔膏流節離之禍 新定四庫全書 | K 人乃並受休嘉去隋氏克歸于唐鄭躅謳歌灝灝和寧 下大盜豪據阻命遏德義威珍戮咸墜厥緒無劉于虐 不作而人乃克完平舒偷尸其肌膚以達于夷途焚圻

為義廩敏發謹的歲丁大侵人以有年簡于厥刑不殘

一段目以雉雊大宋之君以法星壽鄭以龍東魯以麟弱 未有喪仁而久者也未有恃祥而壽者也商之王以桑 治凡其所欲不謁而獲凡其所惡不祈而息四夷稽服 之戴唐永永無窮是故受命不于天于其人休符不于 祥于其仁惟人之仁匪祥于天匪祥于天兹為貞符哉 而懲是謂嚴威小屬而支大生而努愷悌祗敬用底于 厥治孝仁平寬惟祖之則澤久而逾深仁增而益高人 不作兵革不竭貨力不揚于後嗣用垂于帝式十聖濟

灾足日事心書

唐書

白难亡漢黃犀死恭惡在其為符也不勝唐德之代光 藏厚我糗粮刑輕以清我完靡傷貼我子孫百代是康 事其詩曰於楊敬德黎人皇之惟貞厥符浩浩将之仁 紹明濬深鴻龙大保人斯無疆宜薦于郊廟文之雅詩 乃夷懿其休風是煦是吹父子熙熙相寧以嬉賦徹而 函于庸刃莫畢屠澤熯于髮鶯炎以幹勃厥凶德乃歐 思德之所未大求仁之所未備以極于邦治以敬于人 祗告于德之休帝曰諶哉乃點休祥之奏究貞符之與

愈曰嗚呼咨爾皇靈無替厥符宗元不得召內関悼悔 危我代之延永永毗之仁增以崇昌不爾思有號于天 之心誠為之神協人同道以告之偶彌億萬年不震不 之曷依宜仁之歸濮欽于北祝栗于南幅員西東祇 神其爾宜載揚于雅承天之嘏天之誠神宜鑒于仁神 乃心祝唐之紀後天罔墜祝皇之壽與地咸久昌徒祝 ·聖嗣于治仁后之子子思孝父易患于已拱之藏之

念往各作賦自做日懲各愆以本始今孰非余心之所

求處平污以閉世兮固前志之為尤始余學而觀古兮 怪今昔之異謀惟聰明為可考今追駁步而遐游絜誠

定四庫全書 |

卷一百六十八

禹之為上雖肝而混茫兮下駁說而懷私旁羅列以交 之既信直兮仁友謁而萃之日施陳以繁靡兮邀堯舜

偕行萬類芸芸兮率由以寧剛柔弛張兮出入論經登

兮與志相迎不及則始兮過則失貞謹守而中兮與時 貫分求大中之所宜曰道有象分而無其形推變乗時

能抑枉兮白黑濁清蹈乎大方兮物莫能要奉訏謨以

錢幸皇鑒之明有分累郡印而南適惟罪大而寵厚兮! 吾當之不淑兮遭任遇之平迫勢危疑而多許兮逢天 感愚者果於自用分惟懼夫誠之不一不顧慮以周圖 宜夫重仍乎禍謫旣明懼乎天討兮又幽慄乎思責惶 植内分於余志之有獲再明信乎策書分謂耿然而不 致忠兮衆呀然而互嚇進與退吾無歸兮甘脂潤兮鼎 地之否隔欲圖退而保己分悼乖期乎曩昔欲操術以 今專茲道以為服讒妬構而不戒分猶斷断於所執哀

唐書

· 虚以珠幽兮點雲涌而上电幕屑窣以淫雨兮聽嗷嗷 惶乎夜籍而畫駁兮類磨磨之不息凌洞庭之洋洋兮 羈累禁以紫纏哀吾生之孔與兮循凱風之悲詩罪通 為畔尺進而尋退兮盪涸汨乎淪連際窮冬而止居兮 止兮逝莫屬余之形魂攢戀奔以紆委兮東汹涌之崩 天而降酷兮不亟死而生為逾再歲之寒暑兮猶質質 之哀猿聚鳥萃而哦號兮沸洲渚以連山漂遥逐其詎 湘流之云云風風擊以揚波兮舟推柳而迴遭日霾

巻一百六十八

為孤囚以終世分長拘攣而轗軻暴余志之脩騫分今 餘齒之有懲兮蹈前烈而不頗死蠻夷固吾所兮雖顯 後兮顧前志猶未可進路呀以劃絕兮退伏匿又不果 兮泝凌天之騰波幸余死之已緩兮完形軀之既多苗 際也御長轅之無橈兮行九折之峩我却驚掉以横江 而自持将沈淵而隕命兮記敝罪以塞禍惟滅身而無 以直遂分衆之所宜蔽也不擇言以危肆分固羣禍之 何為此戾也豈貪食而盗名兮不混同於世也将顯身 書書

書傭視直足相當還其質已沒者出已錢助贖南方為 電其馬加配大中以為偶分諒天命之謂何元和十年 進士者走數十里從宗元游經指授者為文辭皆有法 為母子永決即具奏欲以柳州授禹錫而自往播會大 禹錫親在堂吾不忍其窮無辭以白其大人如不往便 從柳州刺史時劉禹錫得播州宗元曰播非人所居而 子本均則没為奴婢宗元設方計悉贖歸之尤貧者令 臣亦為禹錫請因改連州柳人以男女質錢過期不贖

鱼皮匹库全書 /

卷一百六十八


業可就既坐廢逐不振然其才實高名盖一時韓愈評 其文曰雄深雅健似司馬子長崔蔡不足多也既没柳 後叔文敗貶郴州司馬李巽領鹽鐵薦异心計可任請 尉精吏治為叔文所引繇監察御史為鹽鐵揚子院留 程异字師舉京兆長安人居鄉以孝稱第明經再補鄭 因碑以實之云 世號柳柳州十四年卒年四十七宗元少時嗜進謂功 人懷之託言降于州之堂人有慢者朝死廟於羅池愈


飲定四庫全書一

唐書


二十四


按握用之乃授侍御史復為揚子留後稍遷淮南等道 果衛尉卵鹽鐵轉運副使方討蔡异使江表調財用因 議置巡過使憲宗問就可者乃自請行會卒贈尚書左 行論諸帥府以羨贏貢故异所至不剥下不加斂經用 相自以非人望久不敢當印東筆明年西北軍政不治 即同中書門下平章事猶領鹽鐵异以錢殼奮而至字 以饒遂兼御史大夫為鹽鐵使元和十三年以工部侍 兩稅使异起退廢能厲已竭節悉矯革征利舊弊入遷





卷一百六十八第十三頁後三行 謹案卷一百六十七第二頁前三行京兆尹鄭叔 刊本首記尚據 則右尉刊本右作 柳丈 ·佑今改 改 猶足 然出 些 菌





校對官編

録

監生

臣

益春

官庶吉士臣侍

朝

臣

関

博

欽定四庫全書曾要唐書卷一百六十九

詳校官編修臣王天禄

欽定四庫全書管要卷五千三百九史部 杜黃裳字遵素京兆萬年人擢進士第又中宏辭郭子 儀辟佐朔方府子儀入朝使主留事李懷光與監軍 矯詔誅大將等以動衆心欲代子儀黃裳得詔判其 唐書卷一百六十九 傳第九十四 杜裴李韋 Li dula 端 明月 殿 唐書 學 士 宋 祁 撰

請其地賜公主德宗曰城南杜氏鄉里不可易遷太常 裳皆以子儀令易置衆不敢亂入為侍御史為裴延齡 太子總軍國事雅黃裳門下侍郎同中書門下平章事 所惡十期不遷貞元末拜太子賓客居章曲時中人欲 非以質懷光懷光流汗服罪於是諸將很縣難制者黃 事黄裳怒曰吾受恩三朝豈以一官見賣即拂衣出皇 裳勸請太子監國執誼曰公始得一官遽開口議禁中 卿時王叔文用事黄裳未當過其門壻韋執誼輔政黃

裳自中指授無不切于機崇文素憚劉雅黄裳使人謂 於是夏緩銀節度使韓全義檢佞無功因其來朝白罷 故大將私金幣結左右以求節制晏年尤甚方鎮選不 務如息藩鎮每即臣死遣中人同其軍觀衆所欲立者 平羣臣賀憲宗目黃裳曰時御之功始德宗創艾多難 物不赦因奏罷中人監軍而專委高崇文凡兵進退黃 之俄而劉闢叛議者以關恃除討之或生事唯肯家固 曰公不奮命者當以雍代崇文懼一死力縛賊以獻蜀

. (

唐書

黃裳知帝銳於治恐不得其要因推言王者之道在修 士傅食太宗笑之故王者擇人任而責成見功必賞有 世 能否本非人主所自任告秦始皇帝親程決事見唯前 胺損諸侯則天下治帝當問前古王者 所以治亂云云 罪信罰孰敢不力孔子之稱帝舜恭已南面以其能奉 一任賢而已操執綱領要得其大者至簿書獄訟百吏 朝廷黃裳每從容具言陛下宜鑒自元之弊整法度 魏明帝欲按尚書事陳矯不從隋文帝日景聽政衛 定四庫全書 卷一百六十九

蔡復两河以機東還宰相紀律設張赫然號中與自黄 裳啓之元和二年以檢校司空同中書門下平章事為 然後為治哉帝以黃裳言忠嘉納之由是平夏翦齊滅 十六相去四凶而至無為豈必利神疲體勞耳目之祭 嘗被疾醫者誤進藥疾遂甚終不怒譴然除吏不甚别 河中晉絲節度使俄封郊國公明年卒年七十贈司徒 欴 定四車全書 日宣獻黃裳達權變有王佐大略性雅澹未始忤物 不為執誼所禮及敗悉力管救既死表還其極矣馬 唐書

官不為鄭覃所佑宣宗感章武舊事元和時大臣子若 使高崇文錢四萬五干緣按故吏吳憑及黃裳子載辭 流品通饋謝無潔白名當大政未久不究其才及處外 載弟勝字斌即寶歷初擢進士第楊嗣復數薦材堪諫 服帝念舊功但流憑昭州原載不問載終太僕少卿 國議帝嘉歎拜給事中還户部侍郎判度支欲倚為宰 孫在者多振拔之帝當問勝勝具道黃裳首建憲宗監 天下常所屬意卒後數年御史劾奏黃裳納邠寧節度

侍郎鄭珣瑜委垍校辭判研覈精密皆值才實憲宗元 裴垍字引中絳州聞喜人擢進士第以賢良方正對策 尚書出為天平節度使不得意卒 以情謂垍曰吾落魄遠裔更十年始相天子比日人物 吾情不及知且宰相職當進賢任能君精鑒為我言之 相及蕭都罷為中人沮毀而更用將伸以勝檢校禮部 初召入翰林為學士再遷中書舎人李吉南始執政 補美原尉藩府交辟不就四遷考功員外郎吏部

唐書

白東宫得侍恩顧親渥承問欲有關說帝憚垍誡使勿 得人坐覆視皇甫是牛僧孺等對策非是罷學士為户 國請絕不軌課吏治分明淑慝帝降意順納吐突承璀 致治中外機筦垍多所參與以小心慎點稱帝意既當 大學士監修國史垍始承占翰林天子新剪蜀亂属精 南罷乃拜垍中書侍郎同中書門下平章事加集賢殿 部侍郎帝跪垍方直以為任公卿薄其過眷信彌厚吉 即產略疏三十許人吉南籍以薦于朝天下翕然稱 贞 四月全書 卷一百六十九

請往于時澤路盧從史說獻征討計均固争以為從史 藍軍許逐振所輕韶授冗官相口以一中人罪藩臣陛 · 芭逆節內連承宗外請與師以圖身利且武俊有功於 光拍劾其懦以李鄘代之王承宗擅襲節度方帝屢削 國陛下前以地授李師道而今欲奪承宗地有之賞罰 叛族意必取之又吐突承难每欲撓垍權因探帝意自 下之法安在更授美官嚴緩守太原政一出監軍李輔

E

单位如

唐書

言帝在殿中常呼垍官而不名嶺南節度使楊於陵為

從史獻于朝因班師垍奏承难首謀無功陛下雖出法 遣部將王翊元奏事拍從容以語動之翊元因言從史 討承宗從史果及覆兵久暴無功王師告病既而從史 之垍請私其計帝日惟李絳梁守謙知之俄而承璀縛 甚戒可因其機致之後無與師之勞帝初瞿然徐乃許 惡稔可圖狀垍比遣往得其大將烏重眉等要領垍乃 為帝陳從史暴戾不君視承璀若小兒往來神策軍不 沮勸廢矣帝依違不能決久之卒用承难謀會兵

重 望造詣不敢干以私諫官言得失大抵執政多忌之惟 法有三日上供曰送使曰留州建中初釐定常賦而物 重錢輕其後輕重相反民輸率一倍其初而所在以留 州送使之入捨公估更實私直以自潤故賦益肯齊民 人心不厭請流斥以謝天下乃罷所領兵先是天下賦 至不足乃取支郡以瞻故送使之財悉為上供自是 淮江而南民少息矣垍罷局峻整持法度雖宿貴前 困垍奏禁之一以公估準物觀察使得用所治州

唐書

前 垍獎勵使盡言初拾遺獨孤郁李正辭嚴休復三人皆 修舉稱朝無幸人五年暴風痹帝恨惜遣使致問樂膳 異言士大夫不以均年少柄用為嫌故元和之治百度 中丞皆踵躡為輔相號名臣自它選任罔不精明 遷及過謝垍垍獨讓休復曰君異夫二人孜孜獻納 日進擬上固為疑休復大慙垍為學士時引李終崔 退輔疏聞居三月益痼乃罷為兵部尚書垍之進李 與同列及相又權章貫之裴度知制語李夷簡御史 定四庫全書 百六十 無

皆校理史館以登朝者為修撰香者直史館以準六典 遂著于令京兆少尹裴武使王承宗還得德棣二州已 建言集賢院官登朝自五品上為學士下為直學士餘 史任不宜目奏乃徒均太子賓客罷武等史官會卒不 之會均與史官將武等上德宗實録吉甫以均引疾解 而地不入或言武還先見垍明日乃朝帝怒召學士李 加贈給事中劉伯芻表其忠帝乃贈太子太傅垍始相

A ALL

唐書

吉甫薦頗力及居中多變更吉甫時約東吉甫復用街

饒財姻屬來吊有持去者未嘗問益務施與居數年略 于時藩少沈靖有檢局姿制開美敏于學居父丧家本 李藩字叔翰其先趙州人父承任為湖南觀察使有名 信處位之難云 帝悟釋之議者謂帝知垍明倚任方寫尚不免疑嫌以 絳議斥武絳言均身備宰相明練時事勢不容先見武 牙匠屋白雪

盡年四十餘因廣陵間不自振妻子追答潘晏如也杜

亞居守東都表致府中亞當疑牙將令狐運為盜掠服

節度府未當察岢細建封卒湯州刺史杜兼疾驅至陰 還否則以法劾君兼錯忤去恨之因誣奏建封死藩撼 有 之藩争不從輒去後果獲真盗稍知名徐州張建封辟 器藩得韶十日不發召見藩曰世謂生死報應驗乎 日殆然日審若此君宜遇事無恐因出 其軍有非望德宗怒密詔徐四節度使杜佑殺之佑 凱望藩泣謂曰公今丧君宜謹守土何棄而來宜速 詔示藩藩色不

變曰信乎杜無之報也佑曰慎母畏吾以闔門保君矣

累握吏部郎中坐小累左授著作郎再遷給事中制有 憲宗為皇太子王紹避太子諱始改名時議以為諂藩 慕潘名疆致之仲舒等為俳說 慶語相狎昵潘一見謝 釋之拜秘書郎時王紹得君邀藩與相見當即用終不 **詣王仲舒與同舍郎韋成季吕洞日置酒邀賓客相樂** 帝未之信亟追藩既入帝望其狀貌曰是豈作亂人邪 曰自古故事由不識體之人敗之不可復正雖給 何誅 不往口吾與終日不曉所語何哉後仲舒等果坐斥廢

歃

定四庫

全書

卷一百六十九

禳之數潘對儉則足用敦本則百姓富反是則置又言 不便就敢尾批卻之吏驚請聯它紙藩曰聯紙是牒豈 且義於人者和於神人乃神之主人安而福至帝悦曰 乳子病止子路之禱漢文帝每祭敕有司敬而不祈使 無隱當問前世所以家給或國匱乏者何致而然及祈 下侍郎同中書門下平章事藩忠謹好醜必言帝以為 曰敕邪裴垍白憲宗謂藩有宰相罷會鄭網罷因拜門 神無知則不能降福有知固不可私已求媚而悦之也

書門下日鍔可無宰相潘遠取筆減宰相字署其左日 當與公等上下相勗以保此言後復問神仙長年事潘 果為累云河東節度使王鍔路權近求兼宰相密部中 知帝且有所惑極陳荒妄謾誕不可信後入柳必等語 巴見帝潛欲中藩即奏曰道逢中人假印節與吳少陽 寢李吉甫復相藩頗沮止會吳少陽襲淮西節度吉甫 以筆塗詔邪藩曰勢迫矣出今日便不可止既而事得 不可還奏之宰相權德與失色曰有不可應別為奏可 定 四 庫 全書 卷一百六十九

**摩大思中為中書舍人累上疏言得失為元載所惡左** 貫之裴垍然人物清整是其流亞云 遷京兆少尹久之改秘書少監載日肇若過我當擇善 章貫之名統避憲宗諱以字行後周柱國負八世孫父 行卒年五十八贈户部尚書諡曰貞簡藩材能不及常 數月帝復思藩召對殿中事沒釋明年為華州刺史未

臣為陛下恨之帝變色不平翌日罷藩為太子詹事後

欠己日 ■ At alin !!!

私宰相杜佑子從郁為補闕貫之與崔羣持不可換左 諡曰貞貫之及進士第為校書郎擢賢良方正 異等補 舉其弟纁自代及為右補闕纁代為御史議者不謂之 之而進于上或者喜以告日子今日請實而明日賀者 舉笏示所記曰此其姓名也與我同里素聞其賢願識 至矣貫之唯唯不往官亦不還永貞時始為監察御史 居貧噉豆糜自給再還長安丞或薦之京兆尹李質實 伊闕渭南尉河中鄭元澤潞都士美以厚幣召皆不應 EL LEAL ALL LAND 卷一百六十九

議是子而議父殆不可訓卒改它官遷禮部員外郎新 中書舍人宰相裴垍當三奏事憲宗不從貫之日公亦 之又劾忠義不宜汙朝籍忠義竟罷於是權幸側目進 羅人金忠義以工巧幸擢少府監陰子補齊郎貫之不 拾遺復奏拾遺補闕為諫官等宰相政有得失使從郁 果州刺史半道貶巴州久之召為都官郎中知制語進 吏部員外郎坐考賢良方正牛僧孺等策獨署奏出為 與日是將奉郊廟祠祭陪為守宰者安可以賤工子為

I'M D THE OF THE I MA

位於此改禮部侍郎所取士抑浮華先行實于時流競 以進退決請乎垍曰奉教事果見臨垍因曰君異時當 言改尚書右丞俄同中書門下平章事遷中書侍郎討 為息當從容奏曰禮部侍郎重於宰相帝曰侍郎是宰 兵誅之物力彈屈故未此乘以為亂此非伦速於撲滅 建中事乎始於蔡急而魏應也齊趙同起德宗引天下 吳元濟也貫之請釋鎮州專力淮西且言陛下豈不知 相除安得重曰然為陛下東宰相者得無重乎帝美其

戰方力令若置都統又令二即連管則各持重養威未 鎮不從終之蔡平鎮乃服初討蔡以宣武韓引為都統 也今陛下獨不能少忍俟蔡平而誅鎮邪時帝業已討 一淄青裴度欲為請銀緋貫之日宿姦佞吾等縱不能斥 問不宜專取群藝奏罷之皇甫轉張宿皆以幸進宿使 可歲月下也亦不從後四年乃克察皆如貫之策云帝 段文目張仲素為翰林學士貫之謂學士所以備顧 詔河陽烏重脩忠武李光顏合兵以進貫之諫諸將

奈何欲假以龍乎由是宿等恐陰構之又與度論兵帝 异意因取屬內六州留錢繼之左遷太子詹事分司東 善悉貶為州刺史顗正辭處厚皆清正以鉤黨去由是 求上疏中理韶免求學士出貫之為湖南觀察使不三 前議頗駁故罷為吏部侍郎於是翰林學士左拾遺郭 中外始大惡宿時國用不足遣鹽鐵副使程异督諸道 日韋顗李正辭薛公幹李宣韋處厚崔韶坐與貫之厚 租弄諷州縣厚斂以獻貫之不忍横賊而所獻不中 **灾匹庫全書** |■ 卷一百六十九

請撰先銘答曰吾寧餓死豈能為是哉生平未當通饋 造門曰君且相貫之命左右引出曰此妄人也居輔相 遺故家無羨財 嚴身律下以正議裁物室居無所改 易裴均子持萬練 與人交終歲無款曲不為偽辭以悦人為右丞時內僧 都穆宗立即拜河南尹以工部尚書召未行卒年六十 子澳字子裝第進士復握宏辭方靜寡欲十年不肯調 贈尚書右僕射諡曰貞後更諡曰文貫之沈厚寡言

堂上天下治矣爲用權墀數曰吾先居此得無愧乎 呈身御史周墀節度鄭滑表署幕府會墀入相私謂曰 考功員外郎史館修撰歲中知制語召為翰林學士累 之柄公無以喜怒行之俾無官各舉其職則公敛從廟 御史中丞高元裕與其光温善欲薦用之諷澳謁已温 遷兵部侍郎進學士承肯與蕭真皆為宣宗禮遇每 以告澳不答温曰元裕端士若輕之邪澳曰然恐無 以教我澳曰願公無權墀愕胎澳曰爵賞刑罰人主 月白言 賦澳逮繫之它日延英帝問其故澳具道姦狀且言必 右問曰朕於敢使何如澳陳帝威制前世無比帝搖首 即遷延須見帝開陳可否未嘗不順納一日召入屏左 人直必偕召問政得失當夜被旨草詔書事有不安者 日未也策安出澳倉卒答曰若謀之外廷則大和事可 用追鑒不若就擇可任者與計事帝曰朕固行之矣自 乃罷改京北尹帝舅鄭光主墅吏豪肆積年不輸官 至緑自緑至緋猶可衣紫即合為一矣澳愧汗不能

帝曰御自便而遠我非我去鄉懿宗立徒平盧軍入為 澳澳三不對帝曰任御可乎曰臣老矣力疲氣耗煩劇 真以法帝曰可慎否答曰陛下自內署權臣尹京邑安 事愛惡皆吾輩貧爵位致然未幾授河陽節度使入辭 后為輸租乃免由是豪右級跡會户部闕判使帝以問 可使畫一法獨行於貧下乎帝入白太后曰是不可犯 上便委以使務脫謂吾作岐而得卒無以自白今時 所任者帝黙不樂出謂其甥柳班曰吾本不為宰

欽

定四庫全書

将以為相也因問輔養術澳具言金石非可御方士怪 出澳所帝以簿紙手作詔賜澳曰密飭裝秋當見鄉蓋 吏部時史盜簿書為姦貶秘書監分司東都就遷河南 吏部侍郎復出為郊寧節度使宰相杜審權素不悦坐 妄宜斥遠之其八月帝崩不果相為學士時帝當曰朕 户部尚書諡曰貞澳在河陽累年宣宗遣使至魏博道 尹解疾不拜句歸樊川逾年以吏部侍郎召不起卒贈

每遣方鎮刺史欲各悉州郡風俗者烟為联撰一書澳

密政多所參逮帝常幸其院韋妃從會經方寢學士鄭 後握明經辟東都幕府德宗時以左補闕為翰林學士 首緩以其友楊凝親老故讓之不對策輒去凝逐及第 經貫之兄舉孝無又貢進士禮部侍郎潘炎將以為舉 薛弘宗中謝帝敕戒州事人人驚服 乃取十道四方志手加紬次題為處分語後鄧州剌中 灾 四庫全書 |

極於用九月九日帝為黃朝歌顧左右曰安可不示章 温字弘育方七歲日誦書數千言十一舉兩經及第以 養邪敢自今勿復爾終左散騎常侍弟纁有精識為士 終即遣使持往緩遽奉和附使進帝日為文不已豈頭 賴不悦出入八年而性謹畏甚晚乃感心疾罷還第不 文就無留思喜日兒無愧矣入為監察御史以臺制背 拔萃高等補成陽尉父愕然疑假權謁進召而武諸廷 林罷許兄弟皆名重當時緩子温 not di dis ナベ

嚴不可以省養不拜換著作郎既謝朝解歸侍親疾調 太和五年太廟室漏罅韶宗正將作營治不時畢文宗 其職國以治事歸於正法以修夫設制度立官司度經 怒責卿李銳監王堪奪其稟自敕中人資之温諫吏舉 逢吉辟置宣武府頻遷右補闕宰相宋申錫被構罪不 雷霆使上蒙霧各邪率同舍伏問切争由是益知名 温倡曰丞相操履有初不宜反乃姦人陷之吾等豈 )湯劑彌二十年衣不弛帶既居喪毀齊不支服除李 Æ 卷一百六十九

慢吏奪稟而易以中人是許百司公廢職以宗廟之重 慢官懲不恪擇可任者繕完之則吏舉職事歸正矣今 羣臣改侍御史李德裕入輔擢禮部員外郎或言雅為 師雪積五尺老稚凍仆此非崇飾虚名時帝順納乃謝 官人會羣臣請上尊號温固諫今河南水江淮旱歉京 為陛下所私臣竊惜之請還將作則官修業矣帝乃罷

牛僧孺厚德裕曰是子堅正可以私廢乎鄭注節度鳳

Ł

unter de des

唐書

費則宗廟最重也比詔下閱月有司她懂不力正可點

讀晨詣官日中見太子諫日殿下盛年宜雞鳴蚤作問 太子長以為賓客久之卒為給事中初兼莊恪太子侍 益所以為孝帝意釋換知制語引疾徒太常少獨宰相 先是総在禁廷積憂畏病廢故誠温不得任近職至是 李固言薦温給事中帝曰温素避事肯為我論駁乎須 固群帝怒曰寧經治命邪禮部侍郎崔蠡曰温用亂 翔表為副温曰拒則遠點從之禍不測吾馬能為注起 邪汪誅由考功員外郎拜諫議大夫未幾為翰林學士 图图 卷一百六十九

貴近次日改撫州司馬樂工尉遅璋授光州長史温悉 獨太子罪時頗直其言遷尚書右丞鹽鐵推官姚勛按 封上詔書太子得罪詔諭羣臣温曰陛下訓之不早非 安天子如文王故事太子不悦辭侍讀見聽王晏平罷 韶改島檢校禮部郎中帝問故於楊嗣復對曰島名臣 靈武節度使以馬及鎧仗自隨貶康州司户參軍厚賂 一獄帝以為能擢職方員外郎將越省温使户止即上 郎官清選不可賞能吏帝命中人諭送温執議不移

医書

賦可乎為緩期而賦辦武宗立權吏部侍郎李德裕欲 後治行無疵若吏材幹而不入清選作日熟肯當劇事 年五十八贈工部尚書諡曰孝温性剛峻人望見無敢 經詩在室愧屋漏因泣下曰今知沒身不負斯誠矣卒 當輸租而麥未熟吏白督之温曰使民貨田中穗以供 引同輔政温苦言李漢可釋德裕悵然出宣欽觀察使 民訟刺史劾無狀榜殺之威行部中既疾召親屬賦 此衰晉風不可以法帝素重温出為陝親觀察使民

定四庫全書

祐者字祐之夷澹君子也少貧實隱居以孝養聞司農 戲慢者與楊嗣復李班善當勘與李德松平故憾二人 遷諫議大夫終桂州觀察使贈右散騎常侍精畫及書 御李實督官租祐居丧未及輸召至將責之會有賜與 不從及皆謫温數曰用吾言熟至是邪一女歸薛蒙女 工屬文續曹大家女訓行于世温少合所善惟蕭祐 祐為奏實稱善即薦於朝終制以處士拜左拾遺累

白鍾王蕭張以來皆能識其真藝然不以塵事自蒙故

